

SECTION

3

KOKORE MERE



KOKORE MERE

KYEYUOBU

Yelbiri zaa taa la o gangyere na poɔ o naŋ be . A weleme ŋa poɔ te na zanne la a gangye bere ama; Yoe, Bigruu, Eron, ane Eronwuluu. Ka foonŋ baŋ a gangyere, ana soŋ la ka fo baŋ yelbiri kaŋa zaa tege ane o toma yeɛ poɔ.

A zannoo baaroo zaa fo na toɔ

- i. De yoe yelbie eŋ a zagre poɔ (aseŋ; yomenne, bonweere yoe, yofuu, bonseene yoe)
- ii. De bigruu yelbie eŋ zagere poɔ, (aseŋ; bigri teɛwulli, yagron bigruu ane meeron bigruu a kyɛ de a maale ne yeɛ)
- iii. De eron yelbie eŋ **eron kyelaa, eron nemburee ane eron naŋ dere etere ayi.**
- iv. De eronwuluu yelbie eŋ zagere poɔ (aseŋ lenɛɛ eronwuluu, zie eronwuluu, wagere eronwuluu, etaabo zie eronwuluu)

Yelbulo

Yoe ŋmaa le la boma yoe. A naŋ baŋ po-eŋ la yomenne, yofuu, bonweere yoe, ane yoseene. Yagron bigruu la bigruu na naŋ maŋ wulo boma yagron bee mannoo. Meeron bigruu meŋ maŋ wulo la yuori bee yoleere waalon. Eron la yelbiri naŋ maŋ wulo ka yeli kaŋa e la bee ere la. Eron pareɛ ata la bebe; Eron kyelaa, Eron nemburee ane Eron naŋ dere etere ayi. . Eronwuluu la maŋ pege eron, bigruu, ane eronwuluu mine. Eronwuluu na baŋ po-eŋ la zagre ama poɔ; Lenɛɛ eronwuluu, Zie eronwuluu, Wagere eronwuluu, Bui bui eronwuluu, Ananso eronwuluu ane Etaabo zie eronwuluu.

YELBULO

Gbulo poɔ, ye pore boma yoe naŋ be a karendie poɔ ane boma pie naŋ be a yeŋeŋ. Sege yelbie ayi fo naŋ teere ka a be la a karendie poɔ a la be a yeŋeŋ meŋ. A fo gbuli taa la a yeli na a gbulo anaŋ naŋ taa bee?

Bon la yoe yelbie?

Yuori yelbiri la nee yuori, zie, doŋa, bee bon. Yuori meŋ na baŋ e la yelkaŋa yuori bee waaloŋ kaŋa.

Yoe parɛɛ

Yomenne

Yomenne la yoe mine naŋ waa nensaaleba yoe, ziiri bee Naanmene bommaalaa bee nensaalaa bommaalaa. Yomenne maŋ piili ne la segebiberon zie zaa o naŋ are a yeɛ poɔ:

Nensaaleba yoe: Dakoraa, Dere, Dabuo, Sugilo, Soŋ, Iddrisu, John amk

Ziiri yoe: Nadoli, Gadi, Wa, Nandom, Lassie Tuolu amk

Bebie yoe: Podaare, Yidaare, Tadaare, Yedaare amk

Kyuuri yoe: Kyepire, Ɔɔgore, Ɔɔtoorebare Disembare, Nyɔgevennebare amk

Zi-berɛ mine yoe: Komfo Anokye Teaching Hospital, Jubilee House, University of Ghana, Naa Sadik Bɔme pake. Amk.

Kolle yoe: Bele baa, Gyɛŋgyɛŋ, Napɔgeba-kolee Kããbaa, Dambaa amk

Bonweere yoe

Bonweere yoe e la ‘boma’ (nee, bon, zie, yuori bee yelkaŋa), naŋ ba waa yomenne (kaa a sazu deme poɔ). A ba maŋ piili ne segebiberɛ ka anaŋ ba wa piili yeɛ. A yeldemannewulli mine la magedalee, gane, yiri, zommo, mane, kolbaa, korodie, karendie.

Yofuu

Ama waa la yelbie mine te naŋ koŋ baŋ nye ne nimiri, a koŋ baŋ seene a, koŋ baŋ nyunni a, kyɛ ka a meŋ be be. A maŋ kyaare wulo la teeron, Yeldemannewulli mine la popɛelon, nɔmmo, posaanaa, yelmeŋa, yeŋ, amk

Yoseene

Ama waa la boma mine te naŋ na baŋ nyɛ bee seene. A be la a tendaa poɔ ka te maŋ nyɛ a. Te na baŋ de la a te enne ziiri anuu ama baŋ ne a beebu. (seene, wono, nyuuro, ane lenne.

Yoseene yeldemanneulli mine la kuuri, tabol, godo, kɔɔ, saseɛ tene, gaŋgaa, wɔɔ, amk.

Toma 1

De a yoe yelbie ama po-eŋ a zagere ama poɔ; Yomenne, Bonweere Yoe, Yofuu ane Bonseene yoe. Wuli bone naŋ so ka fo teere a lɛ.

- i. karema
- ii. tabol
- iii. nɔmmo
- iv. Ayuo
- v. Abu
- vi. popeeloŋ
- vii. nɔlaŋ
- viii. saseɛ
- ix. kuuri

Toma 2

- i Yɛ zeŋ gbulo a kaa iri yoe yelbie zaa na naŋ be a segere ŋa naŋ tu a puliŋ
- ii De a yoe yelbie na fo naŋ wuli a segere poɔ eŋe a zagere ama naŋ tu poɔ:
bonseene yoe, bonweere yoe, yomenne, yofuu
- iii. De a yeldemanneulli fo naŋ nyɛ maale ne yelgbolo mine aseŋ. N teŋa waa la bile.

Ka te la kyogi kaa a yoe zagere

A N teja poɔ, daa kaŋa be be la ka te maŋ boɔle ka Teɛgbɛɛ, bone zaa fo naŋ boɔrɔ a Teɛgbɛɛ daa poɔ be be la. Be la ka neɛ zaa gere daara ba bomboɔre. Ayi zɛvaɛ, bonsuuri, bibiiri deɛŋ boma, ane yiri poɔ tontomboma zaa. Bone zaa fo naŋ boɔra be la a daa ŋa poɔ..

Yɔdaare bebiri zaa, n ne n yideme maŋ gaa la a Teɛgbɛɛ daa a te da boma. Fo naŋ ba maŋ peɛle a daa kye woŋ gone naŋ yire a daa poɔ tuoro fo. Daadiribe la zie zaa. Ka boŋkoɔreba moɔlɔ ba boma daaroŋ ne kyelloo ka bondaareba meŋ moɔ nimiri dire ba daa.

Bone naŋ da nyɔge n nimiri la a tewɔma ane a zɛvaɛ naŋ biŋ soŋ zaa a tabol zu. A sereŋ veɛla la. Tewɔn-veɛle teseŋ, aŋkaa, mongori, kodu, ane maganŋeri. A da nyuu laare la a daa zaa. Kanyiri da ba la kyebe ka n na kyele kye iri n bomboɔre.

Te da la tuuli la segere na poore ba naŋ koɔra bonsuuri teseŋ, kpare veɛle, ane lɛɛ naŋ nyegrɛ ne veɛloŋ ka n yeŋ da be a boma ama poɔ. N nɔŋ ka n kyɛɛ a bonŋmaara a na kaa-iri bonsuuri anaŋ naŋ soma a poɔ n bonsuuri poɔ.

Te naŋ da kyɛɛ yɔ tuulo, a daa la a te yi a tabol kaŋa zu ba naŋ koɔra bibilii deemboma parɛɛ zaa. Baaluuri naŋ veɛla ane a taaba mine. Bone zaa da be be la ko bibile zaa. N da ba tɔɔ na nyɔge n meŋa kye more laare ne popeɛloŋ ane lenɛɛ a bibiiri enne naŋ na yuoro ne a deemboma ama.

A baaraa zaa, te da ta la a daa lombori kaŋa ba naŋ koɔra yiri tontomboma parɛɛ zaa. A zie ŋa te nye la bonzaa ayi bondimaale boma ane zi-maale tontonboma, ane boma na zaa te naŋ maŋ de maale ne te yie bee deri ka a veɛla. N ma pãã da kaa la velaa kye iri te bomboɔre zaa kye ka n meŋ soŋe tuo a baage.

Yogbulo

A waa la yoe naŋ kyaare boŋgbulo. A gbuli ŋa na baŋ kyaare la boma, donne, bee noba. Yeldemannewulli mine la waŋmane, kpolo, zuluŋ, daloro, donɛɛ, nagaŋa, sagre, amk. A maŋ waa la yelbiri bonyeni kye wulo boŋyaga/ **nenyaga**/donne.

Toma 3

Yε zen ayiri a bε yogbulo mine anuu a poɔ. De fo nɔ-irri wuli fo tɔsoba.

Kaa nye a yoe yelbie na soɔmaa naŋ toɔ a parɛɛ a puliŋ kye, wuli, ka a naŋ baŋ sɔre la bee, a koŋ baŋ sɔre.

- i. A **bibiiri** da gbiri la wieouŋ ba naŋ wa deene baare.
- ii. Go fo meŋa! A **kɔɔ** waa la zuluŋ
- iii. **Vuu lɛ** ane polisiri lɛ meŋ poɔ la a arebo poɔ.
- iv. Te nɔŋ la a **kɔlba**-kpoŋ na koɔ.
- v. N bondimaala de la **beroŋ-kãã** menne maale ne a sense.
- vi. **Gɔmenente wedereba** bawola la na baŋ biŋ begere?
- vii. Bibiiri yaga zie nɔŋ la **beroŋ**, kye Dere kyiiri a la.
- viii. Ba maŋ de la **yagere** me ne boma yaga.
- ix. Ayuo ane Ayɔɔ na baŋ ŋme la yiele **bon-ŋme boma** tɛtɛɛ.
- x. Balebo yaga da veŋ la ka n di **kyokoleete** daga gbuli.

A baaraan, yoe na baŋ po-eŋ la zage bere ayi poɔ, ana la **bonsɔre** ane **bombasɔre** yoe. Bonsɔre yoe kyaare la boma na te naŋ na baŋ sɔre (aseŋ, magedalee, kparoo, libiwoɔ, moŋgo, namaaron, aŋkaa amk). Bombasɔre yoe meŋ la boma na te naŋ koŋ baŋ sɔre. Yeldemannewulli mine la kɔɔ, mui, duoro, zɔŋ, tane amk. Boŋkɔɔŋ ane yofuu zaa waa la bombasɔre.

LEEPEROO SOOREBIE

De fo meɲa yelbie manne wuli ne bone naɲ la yuori yelbiri.

1. Pore yeldemanneulli mine anuu anuu yi a segere ɲa naɲ tu a puliɲ.
2.
 - i. Nee yuori
 - ii. Daa gbuli poɔ Bebiri yuori
 - iii. Zi-balaa kaɲa yuori.
 - iv. Bonsorre yoe

Dere da tu la sori gaa teɲa kaɲa naɲ peele o teɲa. O da gaa la be Yidaare daare kye a teɲa yuori la Accra. Accra taa la yikyogilikolo ane yi-veele. Dere popeeloɲ da ba taa mannoo. A dendey soba la le Dere naɲ gaa a teɲa ɲa. O da gaa la boɲkoore zi-bere te da boma aseɲ baagere, nɔɔteɛ, wɔɔkye, belente, kparoo amk. O poɔ da saã la yaga ane le Accra kpeebo naɲ ba e mɔlɔ kye o da pɔ la ka ona koɲ kpe tenkpoɲ poɔ.

3. De fo meɲa yelbie manne bigri ne a yoe zagere ama kye tere yeldemanneulli ayirri ko a zage kaɲa zaa. De a yeldemanneulli maale ne yelgbolo ata a wuli fo tutaaba.
 - i. Bonseene yoe
 - ii. Yofuu
 - ii. bombasorre
 - iii. yogbulo

Bigruu la bon?

Ye zen gbulo a pore yelbie ata fo nan na de bigri ne boma/noba ama.

- Fo karendie
- Fo zomeja
- Fo tabol
- Fo sakuuri waalon

Bigiruu waalon zaa la ka o pege bee bigiri yuori yelbiri. Ana la yelbie na zaa nan wullo yuori yelbiri waalon ane lenee o nan waa. A bigiruu yelbie mine la , sogelaa, doo, pelaa, nmaa, wogi, velaa, kpon, bile, baala, popelle, posaa, yen, yelmeja amk.

A bigiruu yelbie mine la ama a yele ama nan tu poa;

- i.** N non la **yikore**
- ii.** A doolee e la **wogi** kye e **baalaa**.
- iii.** Ayoo **kyele** gan la o yoodoo.

A (i) poa a yelbiri (kore) wulo la yiri na booro a manna nan non. A (ii) poa a yelbie wogi ane baalaa wulo a doolee meeron. A(iii) poa ba de la kyele gan manne ne Ayoo yen nan gan o yoodoo.

Bigruu paree

Bigruu taa paree teete. a zage bere na fo nan na zanne la;

- Bigri teewulli
- Yagron bigruu
- Meeron bigruu
- Bigri teewulli

A kye na ,yoleere teewulli (na, ona, ama, anan) la man are ko a bigiruu. kaa nye yeldemanneulli ama a pulin kye.

- a.** A loore na e la paalaa.
- b.** A poge la so a yie anan.
- c.** N saa yiri la a onan.
- d.** Ayoo la daara a yie ama .

Manne taa bigruu

Ama la ka te man de manna ne noba bee boma taa. A manne taa bigiruu mine la; bile gan, do gan, kpon gan, kyelle gan, yaga gan, fee gan, amk.

A bondemannewulli ama naŋ tu wulo la manne taa bigiruu.

- a. A bondiraa ŋa e la mɔlo gaŋ.
- b. Ayɔɔ kyele gaŋ la Bayuo.
- c. A lo-pelaa na zoro la wieou gaŋ a bon-sɔglaa na.
- d. Fo libie e la fẽẽ gaŋ N deme.

Bigiruu la maŋ tere duoro kyaare bone yageroŋ. A yageroŋ bigiruu maŋ toŋ la a bigiruu toma bonso o maŋ pege la a yuori yelbiri a wullo awola bee gbɛɛ awola. Kaa a ama naŋ tu.

- a. N daɛ mui mine.
- b. O dogɛɛ gyɛle ayi.
- c. O boɔro la sikiri fẽẽ
- d. Gama yaga be la N daga poɔ.

Meeroŋ Bigiruu;

Meeroŋ bigiruu wulo la yuori waaloŋ, beree, bee meeroŋ. a e la bigiruu yelbie mine naŋ maŋ pege yuori.

Kaa a ama naŋ tu.

- a. A loore koreɛ la.
- b. N taa la gan-bile.
- c. A bondirii veɛle la.
- d. N da nyɛla boɔse *kpoŋ*.

Toma

1. Lee kaa a yelbie na fo naŋ kaa-iri a zannoo piiluu. De a eŋ a zagre ama poɔ; Bigiru tẽɛwuluu, yageroŋ bigiruu bee, meeroŋ bigiruu. Bo yeldemannewulli mine eŋe a zagere na zaa poɔ.
2. Kanne a segere ŋa naŋ tu a puliŋ kye kaa iri bigiruu yelbie o poɔ. De a bigiruu yelbie na fo naŋ sege eŋe a zagere ama poɔ; Bigiri teɛwulli, Yageroŋ bigiruu, ane meeroŋ bigiruu. Nare fo meŋa a wuli a ko fo taaba a karendie poɔ.

Nɔdaare ata ba koŋ sere a bebie na kye ka a Piisi noba zaa da lantaa a na te nye ba naa. A Naayiree zaa da yerɛɛ bompeelle. A leŋ pempeele ba zurin kye kyene gbekpala.

Ba da laɲ la taa ka ba puori a Naa yaane. Dakoroɲ wuli ka a Naa ɲa saakoma da toɲ la tonveele a soɲ a teɲa noba. O da soɲe la a teɲa noba saɲa na ba werre naɲ da di vuu daare kaɲa ɲmenaa ka kɔɲ da le a teɲa poɔ. A kɔɲ da wa ne la dɔgeɛ a noba zie.

A Naa saakoma da soɲ la a noba ne bondirii yaga a yi o weɛ kaɲa naɲ peele tenyuo ka noba nye bondirii di.

A noba da wuli la ba popele a maale o ba Naa. Yuoni yuoni zaa ba maɲ laɲ la taa a wuli ba nɔmmo ko a Naa ane a o tonsonne..

Fo naɲ nye a yi a bondemanewuli ama naɲ tu poɔ, meeroɲ bigiruu yelbie na baɲ tu la yuori yelbiri yeɛ poɔ ka anaɲ mare eroɲ.

- a. A yiri veela la.
 - b. A wɔɔkye fo naɲ eɲe soma la.
 - c. A moɲgori fo naɲ dire soma la
 - d. A tee n naɲ nye e la wogi.
3. A meeroɲ Bigiruu ama maɲ tu la yuori yelbiri daadaa le. Bɔrefɔ kɔkɔre poɔ a bigiruu la maɲ daɲ wa kye ko a yuori yeɛ poɔ. Kye a Ghana kɔkɔreɛ poɔ, a yuori yelibiri la maɲ daɲ wa kye ko a bigiruu.

Kaa a bondemanewuli ama naɲ tu;

- a. Yiri velaa la ɲa.
- b. N nye la tewogi
- c. N ma da la wɔɔkye velaa ko ma.
- d. N maɲ di la moɲgo sonne bebiri zaa.

LEEPEROO SOOREBIE

1. De a bigiruu yelbie ama nan tu a pulin po-en bigiruu parɛɛn. Manne wuli a anaso fo nan enɛ a a parɛɛ ama poɔ.

- i. Velaa
- ii. wogi
- iii. noma.
- iv. velaa
- v. kyɛlee
- vi. zee
- vii. potuo
- viii. sɔgelaa
- ix. nmena
- x. ona
- xi. anan
- xii. ata
- xiii. mine

2. Kanne a sɛgere na nan tu son kyɛ iri a soorebie na nan tu nɔɛ

- i. Wuli a bigiruu yelbie zaa nan be a sɛgere poɔ
- ii. De a bigiruu yelbie na enɛ a parɛɛn
- iii. De a bigiruu yelbie anuu mine yi a parɛɛ kana zaa poɔ a maale ne yeɛ.

A daare na la bebidɛn Jɔn nan tu sori gaa tenkpon poɔ o beere zie. O nan gaa ka o sigre la a lɔre poɔ, o noɔre da maaɛ la yaga zaa ne lenɛɛ a tenkpon nan waa. Ka o da haa noɔre kaara a yirkyogelikolo ane a soveɛle, ane lenɛɛ noba nan yoɔra. Jɔn nɔmaa zuiɛn, o da inni la ka o boɔle a beere ka o wa de o kuli ne. Daadaa lɛ ka o teɛron wa, ka o iri o towogi o baage sɔgelaa poɔ a piili na boɔle o beere. A towogi ba kon baare kyɛ ka lɔre pelaa la are o niɛnɛn. Ka Jɔn poɔ pelle ka o laara morɔ. Jɔn da yuo la a lɔre a kpe zen. A o beere die nan ba be tɔre na, ba da ba kɔre sorin kyɛ ta. Jɔn nan da penne baare, ba da ko o la bondiveɛle ka o maa kɛn.

Bon la Eron Yelbiri?

Bon ka fo e baguo na. Sege a yel-erre na zaa fo nan e zene.

Bon ka fo nye kyaare a fo sakuuri zannoo bogere. Sege a fo teere zaa.

Nare ka fo wuli fo taaba fo teeron ka ye de di demme.

Eron yelbiri wulo la yeli nan e bee ere. A eron e la yelbie bee yelmaare mine nan wulo yeli waalon, tese; baa, nyuuri, so, non, kyiri, ban, boora amk.

Eron na ban be la yele poa a taa etere bee a kon taa etere. A etere yelbie na nan man tu eron yelbiri yele poa la ka te man boole ka etere sonna. Eron yelbie na ban po-en la zagere nan kyaare etere sonna. A zagere ama la **eron kyelaa, eron namburee**, ane **eron na nan dere etere ayi**.

Eron kyelaa

Eron kyelaa man de la etere nan tuuro a yele poa. Amine la; maale, mon, on, di, sege, hme amk. Yele mine te nan de manne ne la ama nan tu.

1. A karema *da doge* la mui.
2. A karembiiri *da on* la koo
3. Dere ne Ayoo oo la mui
4. Bie kana *wane* la tewoma
5. A noba *kpe* la a loore.

A yelbie na sooma nan tone a pareen la a eron kyelaa. A etere bee a etere sonna man tu la a eron puori. Ase; 1 poa, a etere la **mui**. Ka a 5 poa men, loore la a etere

Eron Nemburee

Eron nemburee e la eron yelbie nan ba dera etere bee etere sonna yele poa. Yelbie bee yelmaara mine na ban tuuro la kye gbee yaga, eronwullu man la. A yelbie ama mine la, kpi, age, hieri, kon, baa amk. Kaa a yeldemannewulli ama nan tu.

1. A bie *hiere* la.
2. A dakye man *age* la wieou.
3. A karembie *le* la tontobaa le

A yelbie na sooma nan tone a pareen e la eron nemburee. Ka foo kaa yeldemannwuli 2 ne 3 poa, a yelbie na nan tu a eron ba e etere kye a e la eronwullu. A ba e etere sonna. A puorin, te na zanne la eronwullu.

Eron nan dera etere ayi

A eron na nan dera etere ayi man taa la etere ayi nan man pege o. o man de la etere ane ekyaara. A etere la yuori yelbiri na a eron eebo man tuo daadaa le. A ekyaara men la man tuo a etere a ye le po. Gbee yaga, o man piili ne la aroozie yelbiri. Ase; ‘ko’, ‘ne’, ‘a’, A eron na nan dera etere ayi mine la, a ko, a tere, a soore, a so.

Kaa a yeldemanneulli ama nan tu a pulin.

1. A dogereba ko ba bie boma.
2. A karema ko a karembiiri kyotaare mine.
3. A koto zuzee da soore a loya soorebiri.
4. A poge da kyotaa ko o zomeja.
5. O da ko o la a bole.

A yeldemanneulli 1 po, a ekyaara la a **bie** kye ka a etere e **boma**. A kye, aroozie yelbiri kyebe.

A yeldemanneulli 4 po, a ekyaara la o **zomeja** kye ka etere e **kyotaa**. A kye, aroozie yelbiri, ‘**ko**’, mare la a ekyaara.

Toma 1

1. Bon la eron? De fo meja yelbie manne wuli ne a.
2. Manne bigri njmaa le a eron paree ata.
3. De a eron yelbie po-en eron kyelaa, eron nemburee, ane eron na nan man dera etere ayi a mage wuli a areziiri a daga na po.

Eron	Eron kyelaa	Eron nemburee	Eron na nan man dera etere ayi
Emmo	√		
La			√
Da			
Yieli			
Kanne			
See			
Kyey			
Dee			

Eron	Eron kyelaa	Eron nemburee	Eron na nan man derɛ eterɛ ayi
Fale			
Daa			
Hieri			

Toma 2

Vɛn ka fo ne fo lanzenne kanne a sɛgere ŋa. Bɔ a eron yelbie zaa nan be be kye de en zagere ama poɔ, **Eron kyelaa**, **Eron nemburee**, ane **Eon nan derɛ eterɛ ayi**. Ka ye kanne baare la, ye lantaa de a eron yelbie na anuu a maale ne yeɛ. Aseŋ; *N da nan boɔɔ la ka n zanne gaa tɔɔre,*

A baa yelon da ba gan mitare lezaayi ne pie. Kye N da naa boɔɔ la ka N dugi kulomita bonyeni bee a gan le a kɔ-son zulun zie. A zie da nyuuro la erre.

N nan da nare ka N kpe a kɔɔ poɔ na, n da kyage la n malfa ne nyeme, a puori kye kpe a kɔ-mɛmɛrɛɛ poɔ. N da dugi la a kɔɔ a ŋa zanzanna na. A kɔmiri vaabo da ba waa kpeɛŋaa. A kɔɔ meŋ da tole la olɔ olɔ le. Kye dabeɛ nan da kpe ma zuin, ka N da kyene fɛɛ fɛɛ le.

N nan da wa banɔa zaa ka a zie doe la a baa sonɔgele soga kye ka N de n nyaa ŋme ne teŋe a mɛmɛrɛɛ poɔ. N da teere ka a ebaa kaŋa la, kye N nan da kpe nemburi daa, a malfa da faa yi la N noɔreŋ a le. N da Kyen la mitare awolɔ mime a la maalen kpe a kɔ-zulun zie. Sere N nan wa banɔa zaa la ka N ta la baa ganene koŋkorin, N da mɔɔ la yaga zaa te do a zikpageloo zu. A da baarɛ la, kye a malfa N nan taa, da bɔrɛ la.

Bon la eronwuluu?

Kaa a enfuoni na nan tu velaa. Wola ka a baapaaba bama kyene? wagere buo po la a bebiri na daare? Yen ka a yeli na ere? Bonso ka a yeli na ere?



Eronwuluu e la yelbie bee yelhmaara nan man pege eron ye le po ka o pare kyaane velaa. Eronwuluu na ban pege la o to eronwuluu. Lee teere le fo nan kyen gaa sakuuri zene. O da e la maaron bee wieou, bee fon. Kaapoge, fo da kyen la wieou gaa a sakuuri. A yelbiri wieou, wulo la le fo nan kyen gaa a sakuuri. Azuin wieou e la eronwuluu yelbiri. Eronwuluu zaa po-en la zagere po kyaare le a nan man pege a eron. A zagere la; lenee, be zie, wagere, bui bui, etaabo zie, ananso.

Lenee eronwuluu

1. A eronwuluu na wulo la le yeli nan e. asen;
2. A karembiiri kyen gaa la a sakuuri wieou.
3. A bole hmeereba hme la a bole maaron le
4. A yeliyelibe yeli la baalon le
5. A nuulee da yeli la son a sagane po

Be zie eronwuluu.

Be zie eronwuluu man wuli la duoro kyaare zie na a yeli nan e.

Kaa a yeldemannewulli ama nan tu.

1. A karembiiri are la a yenen.
2. Dabuo ane Ayuo gana la a saazu.
3. A karembiiri yaare la a gampele ziezaa.
4. A bibiiri kpeere la Kaleo.

Wagere eronwuluu

Wagere eronwuluu kora la duoro kyaare saɲa na yeli naɲ e. Kaa a yeldemanewuli ama naɲ tu puliɲ.

1. A yuon-baaraa karembiiri da sege la ba gyennoo zaameɲ
2. *Zene te na di la te ɲmenaa bondirii a ofese poɔ*
3. *Lammo na be be la baguo saɲa gbeliɲ awae*

Bui bui Eronwuluu;

Daa wulo la gbɛɛ bowola yeli kaɲa naɲ e. Gbɛɛ yaga, a eronwuluu ama maɲ be la a yeɛ piiluu bee a yeɛ baaraan. Kyɛ eronwuluu fɛɛ mine be be la a naɲ baɲ be yeɛ soɲaɲ, kyɛ la tɔɔ be yeɛ piiluɲ, ane a baaraan. A mine la, yuoni zaa, togitogi, tegitegile, daa zaa, bebiri zaa, amk. Kaa yelidemannewulli ama naɲ tu.

1. Tige dire la yuoni yuoni zaa.
2. Te maɲ di la bebiri zaa.
3. Sakuuri zaa ba sagra togitogi, gyogi faa yeɛ.
4. Ba maɲ dɔre la bibiiri, ka ba pege ba nyeme tegtegi le.
5. N maɲ wa la kyɛ tegtegi le.

A yeɛ naɲ be a sazuɲ a buibui eronwuluu yelbie la **yuoni zaa, bebiri zaa, togtogi, tegtegi le**. Te nye la eronwuluu togtogi ane tegtegi le ka a be a yeɛ soɲaɲ. Yeldemannewulaa 5 poɔ, a eronwuluu tegtegile be la a yeɛ baaraan

Ananso eronwuluu

A eronwuluu ama maɲ wulo la bone naɲ so ka yeli kaɲa a e bee yelkaɲa eebo ananso. A yeldemannewulli mine la; **bonso, Ka, azuiɲ, aneazaa, sɛre**, amk

Yelidemannewulli mine la tu a puliɲ;

1. N yire la wieou ka N muri lo-yaga poɔ kpeebo bare.
2. Sakuuri poɲee la azuiɲ a karembiiri gaa ba yiri.
3. *Anezaa ka N gaa la daa, N ba nye zoma.*
4. A bie da koɲee la bonso koɲ kpe o la.

Etaabo zie eronwuluu

A eronwuluu pareɛ ama pegerɛ la eron ane a taaba eronwuluu a wulo a yeli etaabo zie. Le a yeli naɲ e seɲ. Le a yeli tegeron naɲ ta. A soɲe la ka yelbie a naɲ pegerɛ taa zegeron kaɲa bee sigiruɲ kaɲa. Amine la; **zuoɛ, yaga, gaali, seɲ, gbɛɛ yaga, ama zaa, kpeɛɲ, soɲ** amk.

Kaa a ama naŋ tu a puliŋ;

1. A bondirii noma la te *gaali*.
2. A die poɔ zaa *kpelen* la da maale.
3. A o toma maa la noore *telare*.
4. A bondirii da maale la *soŋ*,

Toma 1

Lee teere te ta a zannoo ŋa piiluu zaa. Fo na toɔ nye la eroŋwuluu yelbie mine fo naŋ na de bigiri ne a yeli naŋ ere a enfuoni poɔ. Ye zeŋ ayiri. De a eroŋwuluu na zaa te naŋ zanne eŋe a zagere poɔ. De a eroŋwuluu yelbie ama maale yeŋe anuu.

Toma 2

1. Wuli kpetaa na naŋ be eroŋ ane eroŋwuluu yelbie soŋa. Di deme ne a fo yelnyerre.
2. Wuli eroŋwuluu paree kye pore a eroŋwuluu mine ata a paree ama kaŋa zaa poɔ.
3. De a eroŋwuluu na mine a paree poɔ maale ne yeŋe.
4. De a eroŋwuluu yelbie te naŋ zanne eŋe a zagere poɔ kye wuli a ananso fo naŋ eŋ a a zagere na poɔ.
 - i. wieou
 - ii. velaa
 - iii. maaron
 - iv. zaamen
 - v. togtogi
 - vi. togtogi
 - vii. yuoni yuoni
 - viii. le meŋa
 - ix. gaali.
 - x. daa naŋ pare

Toma 3

Kaa a yeƙe ama zaa naɗ sege biɗ velaa, kye wuli a eroɗwuluu paree na ba naɗ de toɗe ne toma a yeƙe poɔ. Pãã de a eroɗwuluu yelbie na anuu fo naɗ nye a maale ne fomeɗe yeƙe a wuli ko fo taaba a karendie poɔ.

1. A karembiiri da zanne la ba yelyaga wagere zaa.
2. A towogi da kono woo le.
3. A noba da yi la yeɗe.
4. N da woɗ la a senselloɗ ɗa sere.
5. Fo sereɗ sagese?
6. Fo mɔna la a loore ne dakye yaga.
7. N maɗ mo la N moɔbo zaa.
8. Fo deme sereɗ be be la.
9. Te da maale la a yeƙe wieou.
10. N woɗee ka a seɗe.
11. A bibiiri maɗ deene la wagere zaa.
12. Bonso ka fo naɗ kyene be kye?
13. A wa e la tuo ka N baɗ o.
14. A bible zoro la vi yaga ka o yieli
15. A wiri da age la gaa.

LEEPEEROO SOOREBIE

Wεleme A: Eron

1. Bon tεεtεε la be eron nan ere yeli ane eron nan wuli yeli kana waalon?
2. Bo a eron yelbie na zaa nan be a yelyagesegeraa na poɔ a de fo no-irri manne ne fo to deme.

N nan da page ta a manne noɔren, n da zoe, a age kye see a koη-zoraa poɔ. A ηmena da kyaane ene ma ka n ena nyagere. N da dugi la, a ηme koɔ, kye deene a koɔ poɔ a laara helle, a laara moro ne popeelon. Ka zom-yaare age a ηme bege a kye kono gyile ma. N da me la biiree yiri a de kubie ne bompegere ene ka o veela yaga. A bebiri nan da korɔ gere a o baaraan, N da tuuli la a man-noɔre a nyere bon-nyerre na nan taa noɔ kye na be n teeron poɔ.

3. De a eron yelbie fo nan nye a serege na nan be sazu ene a zagere poɔ fo nan ban.

Wεleme B: Eronwuloo

1. Pore yel-erre fo nan man e bebiri zaa a bigiri wuli fo zomeηa le, dabuo, yen ane wola fo nan man e a.
2. Pore a eronwuloo na zaa a fo zomeηa bigiruu poɔ, kye pon a ene zagere poɔ.
3. Sege yelyagesegeraa nan na ta yelbie (50) kyaare a zie waalon ane a noba a zie na fo nan kpeere. A yelyagesegeraa sen ka o taa eronwuloo yelbie ka a ta pie.

EXTENDED READING

1. Adomako, K., Odoom, J. and Sackitey, M. (2023). *Akan kasa nhyehyɛɛ wɔ Asante Twi mu*. Adonai Publications Limited (Topic on verbs, nouns and adjectives)
2. Amegashie, S.K. (2004). *Evegbe ɲɔɲlɔ*. Victus Printing Services.
3. Fromkin, V. & Rodman, R. & Hyams, N. (2007). *Introduction to Language* (Eighth edition). Thomson Wadsworth. (topic on verbs, adverbs, nouns and adjectives)
4. Joshi, M. (2021). *Nouns in the English Language: Types and examples*. Manik Joshi. (Topic on nouns)
5. Thakur, D. (1998). *Linguistics simplified: Syntax*. Bharati Bhawan. (open word class which are nouns adjectives, verbs and adverbs)

REFERENCES

1. Haspelmath, M. (2001). Word classes and parts of speech. *In International Encyclopedia of the Social and Behavioral Sciences* (pp16538-16545). Doi:10.1016/Bo-08-043076-7/02959-4
2. Lier, E. V. (2024). *The Oxford Handbook of Word Classes*. Oxford University Press.
3. Miguel, J. M. G. (2015). *Transitivity and word classes*. <https://doi.org/10.1075/ivitra.9.13gar>
4. Prempeh, A. A. (2021). *Asante Twi Nyansapɔ*. Premesco Publications.
5. Simone, R. & Masini, F. (eds). (2014). *Word classes (Current Issues in Linguistic Theory)*. John Benjamins Publishing Company.

ACKNOWLEDGEMENTS



Ghana Education Service (GES)

